



**V**igbertus à teneris annis bonis literis sese exercuit, atq; in primis Medicorum et Theologorum lucubrationibus operam dedit. Vnde & Medicus & Theologus sui temporis doctissimus euasit. Mores etiam habebat castissimos, atque omnis generis uirtutibus præditos. Itaq; cum præsul Hildesheimensis obiisset, ipse anno 884 eius loci Episcopus omnium consensu electus est. Eam functionem per quatuor annos magna pietate optimè peregit. Nam ijs horis, quibus reliqui à laboribus cessabāt, ipse in Medicis lectionibus frequens erat, atq; aliquot libros cōscribebat, qui adhuc in Hildesheimensium Episcoporū Biblio-

theca extant. Cum autem horæ instarent, quibus lectionibus sacris aut orationibus incumbendum, ipse pium Theologum agebat, ac suo exemplo alios in officio continebat. Tandem moriens Vualdpertum successorem habuit. Anon. Crantz.